

IN CHRIST ALONE

Yn Krist hepken ow threst yma,
 Ev yw ow Howl, ow nerth, ow han;
an tir krev ma, an penmen ma,
 fast yth yw dhymm dre dhowr, dre dan.
Y g'renza pur, y gres mar dhown,
ow strif yw deu ha ny'm beus own!
 Ow oll yn oll, ow honfort vy,
 yn k'renza Krist y savav vy.

Yn Krist hepken, a wiskas kne'z,
 leunder a Dhuw yn fleghik gwann!
Y skornyas ro a wiryonzyz
 tuz ev a vynna selwel glan:
byz pan y'n grows y ferwis Ev,
y feu attyllys sorr an Nev;
 warnodho gorryz pegh pub ryw;
 dre vernans Krist yth ov vy byw.

Y gorf a veu y'n dor a-dhann,
 golow an byz a gavas ladh:
mez ena tardha 'mes yn splann
 a'n bedh 'tassorghas, genen hwath!
Dell sev yn trygh, ny glewav kraf
a volleth pegh ow toz warnav,
 rag ev yw dhymm, my dhodho ev,
 dasprenyz gans y woez mar grev.

Digabus ov, a'n bedh heb own,
 otta nell Krist eus ynnov vy;
a'm kynsa kri byz yn annown,
 Jesus a rewle ow thenkys vy.
Na towlenn den, na ifarn krev,
ny yll ow thenna a'y dhorn ev,
 Byz pan dhehwel p' y'm gelow vy,
 yn nell a Grist y savav vy.

- Composed by Stuart Townend and Keith Getty, 2002
- Translated into Cornish by Ken George, 2023 Apr 15.
- Tune: In Christ alone.